

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i
KEMO d.o.o. Sarajevo, Stanjevac do br. 8, Sarajevo, ID broj: 4202047610008, koga zastupa direktor Kemal Pramenković (u daljem tekstu: Davalac usluga),

zaključili su:

UGOVOR O STRUČNOM USAVRŠAVANJU - OSPOSOBLJAVANJE ZA VOZAČE MOTORNIH VOZILA D KATEGORIJE

Član 1.

Predmet ovog ugovora je pružanje usluga usavršavanja policijskih službenika Uprave policije Ministarstva unutrašnjih poslova Kantona Sarajevo - osposobljavanje (obuka) za vozače motornih vozila D kategorije.

Član 2.

Nabavka usluga usavršavanja policijskih službenika Uprave policije Ministarstva unutrašnjih poslova Kantona Sarajevo je izvršena putem poziva za nabavku usluga stručnog usavršavanja policijskih službenika, državnih službenika i namještenika u 2024. godini broj 02-11-4-2860-2/24 od 24.01.2024. godine, a na osnovu odluke broj 02-11-4-2860/24 od 18.01.2024. godine, te u skladu sa članom 8. stav (1) Zakona o javnim nabavkama ("Službeni glasnik BiH", broj 39/15 i 59/22), Pravilnikom o postupku dodjele ugovora za nabavku usluga iz Aneksa II Zakona o javnim nabavkama ("Službeni glasnik BiH", broj 2/23), ponudom Davaoca usluga i stvarnim potrebama Ugovornog organa.

Ponuda broj 02-02/2024 od 29.02.2024. godine i Ponuda broj 03-02/2024 od 29.02.2024. godine su sastavni dio ovog ugovora.

Član 3.

Ukupna ugovorena vrijednost za predmetne usluge iznosi 4.050,00 KM (četirihiljadepedeset i 00/100) bez uključenog PDV-a.

Davalac usluga se obavezuje da se cijene iz Ponude neće mijenjati do isteka ovog ugovora.

Član 4.

Usluge osposobljavanja za vozača motornih vozila iz člana 1. i 2. ovog ugovora obuhvataju:

- a) poznavanje propisa o sigurnosti saobraćaja na cestama, sa osnovama poznavanja motornih vozila,
- b) program prve pomoći osobama povrijeđenim u saobraćajnoj nezgodi,
- c) upravljanje motornim vozilom.

Osposobljavanje iz poznavanja propisa o sigurnosti saobraćaja na cestama i osposobljavanje iz upravljanja motornim vozilima obavlja se na osnovu Programa osposobljavanja kandidata, a shodno članu 4. Pravilnika o osposobljavanju za vozača motornih vozila ("Službeni glasnik BiH", broj 46/12, 12/18, 74/18 i 16/21).

Član 5.

Osobe za praćenje realizacije ugovora ispred ugovornih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Ugovorni organ se obavezuje da će Davaocu usluga prethodno, a prije početka održavanja osposobljavanja (obuke) dostaviti spisak policijskih službenika koji će pohađati predmetno osposobljavanje i sve ostale podatke potrebne za nesmetanu realizaciju usluga koje su predmet ovog ugovora.

Član 6.

Ugovorne strane su saglasne da će početak stručnog osposobljavanja (obuke) policijskih službenika za vozače motornih vozila će utvrditi osobe za praćenje realizacije ugovora.

Ugovorne strane su saglasne da je rok za izvršenje usluga koje su predmet ovog Ugovora 90 (devedeset) dana od dana početka stručnog osposobljavanja (obuke) policijskih službenika.

Član 7.

Davalac usluga se obavezuje da će usluge stručnog usavršavanja policijskih službenika izvršiti u svemu u skladu Pravilnikom o osposobljavanju za vozača motornih vozila ("Službeni glasnik BiH", broj 46/12, 12/18, 74/18 i 16/21) i ponudom koja je sastavni dio ovog ugovora te da će odmah pristupiti po eventualnim primjedbama Ugovornog organa u pogledu nedostatka na ime kvaliteta izvršenih usluga.

Član 8.

Po okončanju osposobljavanja (obuke) iz oblasti poznavanja propisa o sigurnosti saobraćaja na cestama Davalac usluga će shodno članu 12. stav (1) Pravilnika o osposobljavanju za vozača motornih vozila ("Službeni glasnik BH", broj 46/12, 12/18, 74/18 i 16/21) kandidatu - policijskoj službeniku izdati Potvrdu o uspješno završenom osposobljavanju iz propisa o sigurnosti saobraćaja na cestama.

Po okončanju osposobljavanja (obuke) iz oblasti upravljanja motornim vozilom Davalac usluga će shodno članu 12. stav (2) Pravilnika o osposobljavanju za vozača motornih vozila ("Službeni glasnik BH", broj 46/12, 12/18, 74/18 i 16/21) kandidatu - policijskom službeniku izdati Potvrdu o uspješno završenom osposobljavanju iz upravljanja motornim vozilom.

Član 9.

Nakon izvršene usluge koja je predmet ovog ugovora vrši se kvalitativno – kvantitativna primopredaja usluga, uz sačinjavanje zapisnika o izvršenoj usluzi. Zapisnik se izrađuje u 2 (dva) istovjetna primjerka, koji će sadržavati: datum, vrijeme i mjesto početka osposobljavanja (obuke), ime i prezime policijskih službenika koji su pristupili osposobljavanju (obuci), ime i prezime policijskih službenika koji su uspješno završili osposobljavanje (obuku) i druge potrebne podatke propisane pozitivnim pravnim propisima iz ove oblasti.

Član 10.

Ugovorni organ će ugovorenu cijenu plaćati u roku od 30 (trideset) dana od dana uredno izvršene usluge i dostavljanja mjesečnih faktura na tekući račun Davaoca usluga.

Član 11.

Davalac usluga je dužan da u toku trajanja ugovora postupati u skladu sa važećim propisima, pravilima struke i najvišim etičkim standardima i osigurati da njegove odgovorne osobe, radnici, predstavnici ili podugovarači postupaju u skladu sa važećim propisima, pravilima struke i najvišim etičkim standardima.

Davalac usluga se naročito obavezuje da:

1. Neće dati, niti nuditi mito ni jednom licu uključenom neposredno ili posredno u bilo koju fazu procesa realizacije ugovora niti preduzimati bilo kakve radnje ili propuštanja koja bi se razumno mogla tumačiti kao nudenje mita.
2. Neće dati, niti obećati dar, korist ili neku drugu povlasticu bilo kom službenom ili odgovornom licu, uključujući i strano službeno lice ili međunarodnog službenika, u cilju obavljanja, u okviru službene ovlasti, radnje koja ne bi trebalo da izvrši, ili da se suzdržava od vršenja djela koje je dužan izvršiti on/ona, ili nekome trećem ko posreduje pri takvom podmićivanju službenog ili odgovornog lica.
3. Neće biti uključen u bilo kakve aktivnosti, koje za cilj ili kao svoju posljedicu imaju korupciju, ili koje razumno mogu stvoriti privid korupcije.
4. Neće sudjelovati u bilo kakvoj radnji, koja za cilj ili kao svoju posljedicu imaju korupciju, ili koje razumno mogu stvoriti privid korupcije u toku realizacije ugovora.

Davalac usluga je dužan tokom trajanja Ugovora strogo izbjegavati sve aktivnosti koje se mogu smatrati nepotizmom ili koje mogu stvoriti stvarne ili prividne sukobe interesa s njihovim dužnostima prema Ugovornom organu, u skladu sa ovim Ugovorom.

Član 12.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 13.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 14.


Ugovorne strane su saglasne da se ovaj ugovor zaključi na određeno vrijeme.

Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja (obuke) i traje do uredne realizacije ugovorenih obaveza ugovornih strana.

Član 15.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DAVALAC USLUGA
KEMO d.o.o. Sarajevo


direktor
Kemal Pramenković



UGOVORNI ORGAN
KUP KANTONA SARAJEVO
UPRAVA POLICIJE


POLIJSKI KOMESAR
Generalni inspektor policije
Fatmir Hajdarević

Broj :

Datum: 14.02.2024.

Broj: 02-11-4-2860-3/24

Datum: 12.03.2024. godine